

序

天壤間孰可壽世惟書可惟書之有德於人者  
可經傳爲大德敦化固與天地同悠久他如醫  
藥地理陽宅等書小德之川流亦流其所敦也  
膏非以世爲壽者而緩急之辨不可離於須臾  
者則陽宅是去陽宅滙帙束卷亦足汗牛然皆  
各成葫蘆學之者必依樣畫瓢惟玉階愛衆妙  
篇或依門變局或擇君馭相轉禍爲福之妙點

石成金先生之德大矣哉余從遊冀郡栢邑訓  
導鄰初宋夫子時久耳先生芳型旋得識荆已  
酉余館衡邑州同職再魚韓先生家課孫兒者  
六載益得與先生頻交接緣先生與再公先生  
兩契交也愈備識先生之芳型其在天倫者不  
一而足而游藝擅長於陽宅爲特著也且見有  
延請相宅者微論富貴貧賤有求輒應毫無俗  
念由是德愈廣而求愈多幾欲閉門而不得甚

矣億再公先生長男附學貢生英瞻公與余交  
契時共侍杖履同前席請曰先生陽宅之指南  
數十年來敗者復興貧者忽富功德施人者大  
矣但德及於近地未若施於遐方者廣被於一  
時未若垂於後世者久何如立說著書博施濟  
衆德不更大歟先生謙抑自持堅不允請之者  
三始含首金諾然未敢作等閒觀也先生令嗣  
擎玉公家學淵源奉教有素者於焉先生論定

於前擎公泰閱於後共耗心血歷寒暑者十卷  
帙始成猶欲收藏家笥或繕錄同人無梓行志  
也衡邑韓氏里衛千總職煥如韓先生者先生  
再表兄再公先生從兄也與先生交厚雅愛書  
帙樂成美舉慷慨輸金刊板再公先生醫藥濟  
衆好義樂施者亦竭力玉成同與爲善又同郡  
衡上營村梁珍王公代爲鈔錄付諸棗梨以傳  
大德將見德之及於近方者亦可及於遠方及

於今世者亦可垂於後世此愛衆篇命名之義  
也是知先生之德固壽世無窮而兩韓先生之  
授梓雅誼並王公樂書之清心亦並傳久遠焉  
先生頗重鏤板古道囑序於余因屬夙好誼無  
庸辭惟書所見聞以誌德與書均可壽世云爾

峇

嘉慶五年歲次庚申孟夏梅月新河梁氏里邑  
庠生後學焦蘭芝秀之氏頓首拜題



自敘

余幼讀書家塾。愚笨之質。尚迷途於孔孟之鄉。又向  
暇。旁博乎數學。年十八。就讀方氏庄。受業於爲質郭  
夫子。師弟契甚。晨昏功課。口授指畫。頗覺遠勝家塾。  
窃喜學庶有成。詎意半歷年所。忽患採薪。延醫藥治。  
數旬方痊。既痊復作。藥亦無功。先嚴慈以見羸成憂。  
謂讀書命薄。或廢讀歸農。庶可身健。愚遵親命。辭師  
迴轅。事與願左。殊覺歉仄。時思爲讀書事。耗費父母  
許多心血。半途中止。徒嗟親望子職之愧。夜半黎明。

禍到正東故知是禍土。震爲長男東樓居震地長男  
不病而誰若至巽則長婦當災陽宅諸書載列甚明  
非虛誑也。余前席驚請曰陽宅有書乎。先生曰多甚。  
陽宅要於陰宅陰宅得吉死者可以庇生陽宅犯凶  
生者可以卽死。一脈無二理遲速分緩急公其知之。  
余來朝卽借陽宅書帙觀之如夢初醒貼然心服先  
生旋開書名六種一必用一十書一大全一圖解一  
要覽一集成余赴衡邑一並購買晝夜參閱方存其  
論說不一者以就正焉而盧君奄忽物化鄙何以命



薄於孔孟者。復福薄於數學也哉。冀坤王村孝廉公  
潛菴司先生者。宿學名儒也。館余岳家。衡尚營村。徃  
謁之。請陽宅之教。先生言。素雖未諳於習。其要不外  
於河圖洛書。先天後天卦爻。洪範九疇。流其源。聊切  
指畫。殊覺豁然。首肯。知大道無乎不該。益恨余之病  
阻於儒也。有允範楊公衡。邑素通陽宅者。訪之。祇言  
用大遊年。從門順佈八方星宮。相生則吉。相尅則凶。  
宅之東四西四。各不相犯。拆修遵憲書時日法。盡乎  
此。進究拆修。改正年煞月煞日煞。何以撥避。楊公未

之前聞又雷貫通陰陽宅者。棗強姜村有貴楚李先  
主。謁拜與語大叩小叩。如鐘鳴相應。雅不以志同道  
合者。賈相見已晚之恨。雖然先生學陽宅本先天八  
卦。是體主靜。余學陽宅本後天八卦。是用主動。先生  
推後天爲準。非自抑以揚人理。寔然矣。及問書傳真  
假。選擇撥煞。母乃有僞書欺世者乎。先生曰。多甚。唐  
丘延翰得異人傳。元宗禁其書於內府。復招一行禪  
師。僞撰銅函經。以愚百姓。後僖宗改元廣明。避巢變  
出京都。楊益與曾求已竊延翰真書。以還江右。楊益

陽字彙卷一  
一  
遯遐方曾求已被李節度尋獲復撰偽書以免禍偽  
書迭出此其始也宋吳景鸞奏直宗表內言正經已  
失二百餘年楊傳曾曾傳陳希夷景鸞父克誠親師  
希夷方得真傳觀此則古仙之傳授淵源有自而諸  
家之流弊亦已久矣甚矣真偽之不可不辨也欲明  
神煞真偽非見協紀辨方與選擇集要不可購買二  
書更沽永寧通書一部相悅以辨昭昭乎理與心洽  
余聆是說三十年來悉閱考訂所宗惟發明軒轅本  
占及陽宅集成圖解大全與本楚邱允臧而來者陽

宅大全論說理道甚微。欽定協紀辨方。與選擇集要。批駁僞煞甚悉。至於陽宅十書。惟宅體吉凶。與門前樹木池塘道路。頗有可取。若符鎮紛紛。斷不可爲。此所逃。且以福元定東西四宅。以人之生年爲主。不以宅向爲主。若父年東四。子年西四。兄年西四。弟年東四。則父宅子何以居。兄宅弟何以居乎。或用截路分房法。各合生年各立門戶。倘若夫年東四。生人妻年西四。生人不便各立門戶。必不同室居。方可此。又何。以處置。又五鬼穿宮內說。廉貞到本宮。每歲二房榮。

長男權柄事合家富貴亨。余思廉貞屬火本宮是離  
火見火更助其凶。急速拆改猶恐救正不及。而反言  
大吉何也。陽宅必用變宅圖。內於輔弼二星。當用而  
不用。不當用而用之。豈知化宅九層方用右弼。安可  
任意而用之。且許多鎮禳。約與十書同。或永寧通書  
以左輔右弼二星俱屬陰木。陽宅總論輔弼入乾垣  
項羽獲沛公之父。輔弼入艮垣。郭氏絕賈相之嗣。不  
知輔弼何以並行。何以而知其俱屬陰木。果爾是與  
貪狼爲三木矣。各變宅內。余從未見有三木者。且動

靜二宅俱用輔弼。是主房兩旁左爲左輔，右爲右弼。又必高於主房爲吉。前言凶，後言吉，矛盾之甚。余竊疑前後之俱非。陽宅集成專以紫白爲主，不以遊年爲是論說精微，亦甚透亮，能不貼然心服。但與大遊年不合。余學習陽宅，始自大遊年入門，不敢遵紫白之說。俟質高明，再指髦迷也。可至於選擇神煞一書，各有一說。惟依本年憲書，年建月建爲主，太歲爲歲，煞之君，月統於年，故二十四山無吉凶。聽太歲爲吉凶，有不從太歲起者，皆僞造也。日統於月，六十日亦

無吉凶。聽月令爲吉凶。凡爲月之所合、所生及與月  
令同旺者，乃直吉日。如旺日、相日、月德日之類是也。  
目之支于爲月之所尅、所衝及休囚而不當月令者，  
乃真凶日。如破日、正傍四廢、荒蕪之類是也。有不從  
月令起者，亦僞造也。余觀陽宅大抵以陽宅集成圖  
解大全與陽宅大全爲宗。擇日以協紀辨方選擇集  
要爲主。其餘諸書某某聊佐參閱云爾。詎敢盡信。蓋  
古往今來，冥天及淵一理而已。合理者從之，悖理者  
違之。合歷者依之，背歷者置之。酌理以協乎歷，斯爲

得之不可自憑臆見焉。敢概泥成說。後之學者胸無成見。輒爲僞書所誤。每見所看宅宇吉未臨而凶先至。福未臻而禍先到。乃曰陽宅難學。深信寧修十墳。不改一門之語。抑知葬者藏也。先人之骨骸安。子孫始昌。陽者明也。吾人生於斯。居於斯。皆賴房宇以滋長。蓋可忽乎哉。試觀黃帝宅經所云。墓凶宅吉。子孫官祿。墓吉宅凶。子孫衣食不足者。非聖言乎。余舊宅坤門。身居東樓。親受禍土之害。染病數年。自遇廬先生福庇。至金局見喜之年。當仲春改正房宇。及孟夏



陽年夢身篇 卷一  
余數年之病不藥而痊。迨仲秋，仲弟又採芹於泮。此皆余預言，改正東樓，必獲此吉，而筆於楮者，後果然矣。於焉鄰里親友，謬稱余熟悉陽宅，延請者車馬士門。今愚笨年過六袞，衰殘將朽，平生閱歷，一得半悟，豈可自隱閉戶修書，以公同好，誠不敢云能窺古人牖戶，亦未始不少補於後學。且援書徵宅，因宅考書，凡經驗準確吉凶宅基，俱各立圖指明，吉何以吉，凶何以凶，後復聯以評定詩句，各帶遊年動靜變化宅式，截路分房，莫不脩錄，有志斯道者，一目了然。按圖